


ՀՀ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ
ՆԱԽԱՐԱՐՈՒԹՅԱՆ
«ԿՈՏԱՅՔԻ ՏԱՐԱԾԱՇՐՋԱՆԱՅԻՆ ՊԵՏԱԿԱՆ ՔՈԼԵՋ» ՊՈԱԿ

Հաստատում եմ՝  Ա. Երեմյան

Կոտայքի տարածաշրջանային

պետական քոլեջի կառավարման

խորհրդի նախագահ

 2026 թվական

ԿԱՆՈՆՆԵՐ

ՈՒՍԱՆՈՂԻ ՎԱՐՔԻ

ՀՐԱՋԴԱՆ 2026

1. Ընդհանուր դրույթներ

- 1.1. Սույն կանոնները սահմանում են քոլեջի ուսանողների վարքագծի, իրավունքների և պարտականությունների հիմնական նորմերը:
- 1.2. Կանոնները պարտադիր են քոլեջի բոլոր ուսանողների համար՝ անկախ ուսման ձևից, կուրսից և մասնագիտությունից:
- 1.3. Սույն կանոնների համար հիմք են հանդիսանում քոլեջի կանոնադրությունը, ուսանողի հետ կնքած պայմանագիրը և լիազոր մարմնի կողմից տրված հրամանները, որոշումները:
- 1.4. Սույն կանոնները մշակվել են լրացնելու Կոտայքի տարածաշրջանային պետական քոլեջում ուսումնառողների իրավունքներն ու պարտականությունները, խրախուսման և տույժի կիրառման մեխանիզմները:
- 1.5. Վարքի կանոնների նպատակը քոլեջում առողջ, անվտանգ և արդյունավետ կրթական միջավայրի ապահովումն է:
- 1.6. Սույն կանոններում փոփոխություններ և լրացումներ կատարվում են նույն կարգով:

2. Ուսանողի իրավունքները

Ուսանողն իրավունք ունի՝

- 2.1. ստանալ որակյալ կրթություն և օգտվել քոլեջի ուսումնական ռեսուրսներից,
- 2.2. արտահայտել սեփական կարծիքը՝ չխախտելով այլոց իրավունքները,
- 2.3. մասնակցել քոլեջի հասարակական, մշակութային և մարզական միջոցառումներին,
- 2.4. ստանալ աջակցություն կուրսղեկից, հոգեբանից կամ վարչակազմից,
- 2.5. պաշտպանել իր արժանապատվությունն ու անձնական տվյալների գաղտնիությունը:

3. Ուսանողի պարտականությունները

Ուսանողը պարտավոր է՝

- 3.1. ենթարկվել քոլեջի կանոնադրությանը, ներքին կարգապահական կանոններին և սույն վարքի կանոններին,

3.2. ժամանակին և կանոնավոր մասնակցել դասերին,

3.3. կատարել ուսումնական առաջադրանքները,

3.4. հարգել դասախոսների, աշխատակիցների և ուսանողների իրավունքները,

3.5. պահպանել ակադեմիական ազնվությունը,

3.6. հոգատար վերաբերվել քոլեջի գույքին և սարքավորումներին:

4. Վարքագիծը ուսումնական գործընթացում

4.1. Ուսանողը պարտավոր է դասերին ներկայանալ պատշաճ պարզ հագուստով, հարդարված և կոկիկ:

4.2. Ուսանողը պետք է՝

- չուշանա դասերից
- հարգելի ուշացման դեպքում տեղեկացնի կուրսի ավագին կամ կուրսղեկին
- հեռավոր բնակավայրերից 1-ին ժամից պատճառաբանված հարգելի ուշացման համար ներկայացնի դիմում կուրսղեկին
- դասապրոցեսի ընթացքում առողջական խնդիրներ առաջանալու դեպքում դիմի քոլեջի բուժկետ(այս դեպքում դասերից ազատվում են բուժքրոջ հրահանգով, բացթողման թերթիկով)
- անհարկի չբացակայի դասերից
- առողջական խնդիրների վիճակով պայմանավորված բացակայության մասին տեղեկացնի (հեռախոսով) կուրսղեկին և ներկայացնի բժշկական տեղեկանք
- չգերազանցի անհարգելի բացակայությունների՝ քոլեջում թույլատրելի ժամաքանակի շեմը (հակառակ դեպքում կենթարկվի կարգապահական տույժի ըստ գործող կարգի),
- մինչև 3 օր հարգելի բացակայության մասին տեղեկացնի կուրսղեկին, ստանա բացթողման թերթիկ
- 4-ից 5 օր հարգելի բացակայության մասին ծնողի կողմից դիմում ներկայացնի քոլեջի տնօրենին

4.3. Դասի ընթացքում ուսանողը պետք է՝

- չխանգարի դասի ընթացքը
- հետևի դասախոսի ցուցումներին
- լսի դասախոսի կարգապահական հրահանգները
- հարցերն ու մեկնաբանությունները ներկայացնի հարգալից ձևով
- հեռախոսը օգտագործի դասախոսի թույլտվությամբ՝ միայն որպես ուսումնական գործընթացին աջակցող տեղեկատվական գործիք
- չաղմկի դասի ժամանակ
- լսարանում չստեղծի իրարանցում

4.4. Արգելվում է՝

- առանց թույլտվության օգտագործել հեռախոս, ականջակալներ կամ այլ սարքեր,
- արտագրել, կեղծել կամ օգտագործել չարտոնված աղբյուրներ,
- ուշանալ կամ ինքնակամ լքել դասը:

5. Վարքը քոլեջի տարածքում

5.1. Ուսանողը պարտավոր է պահպանել կարգուկանոն քոլեջի ողջ տարածքում՝ լսարաններում, միջանցքներում, գրադարանում, լաբորատորիաներում, բակում:

- դասաժամերի ընթացքում անհարկի դուրս չգա լսարանից
- դասաժամերի ընթացքում դասախոսի թույլտվությամբ դուրս գա միայն հատուկ կարիքի կամ առողջական պատճառով
- դասաժամերի ընթացքում չշրջի քոլեջի միջանցքներում, սանհանգույցներում, չբացի այլ լսարանների դռներ, չկանգնի քոլեջի շքամուտքի մոտ կամ հարակից տարածքում
- չաղմկի քոլեջի միջանցքներում և հարակից տարածքում

5.2. Արգելվում է՝

- ծխելը (ներառյալ էլեկտրոնային ծխախոտ)

- **ալկոհոլային և էներգետիկ խմիչքների , թմրամիջոցների օգտագործումը կամ տարածումը**
- **քոլեջ՝ այլոց առողջության և կյանքի համար սպառանալիք հանդիսացող իրեր և գործիքներ բերելը**
- **քոլեջի գույքի և ներքին հարդարանքի վնասումը կամ ապօրինի օգտագործումը:**

6. Էթիկա, հաղորդակցություն և առցանց վարք

6.1. Ուսանողը պարտավոր է պահպանել քաղաքավարի, հարգալից և հանդուրժողական վարք:

- պահպանել միջանձնային փոխհարաբերությունների համընդհանուր կանոնները
- չցուցաբերել վարքի և խոսքի անհարգալից դրսևորումներ դասախոսի և քոլեջի աշխատակիցների նկատմամբ, պահպանել վարվեցողության , քաղաքավարության, բարեկրթության կանոնները և հավասարապես հարգանք ցուցաբերել քոլեջի բոլոր դասախոսների և աշխատակիցների նկատմամբ
- հարգանքով և բարեկրթորեն վերաբերվել համակուրսեցիներին և քոլեջի բոլոր ուսանողներին
- հարգել կրթության հատուկ կարիքներ ունեցողների իրավունքները

6.2. Արգելվում է՝

- **վիրավորական, նվաստացուցիչ կամ սպառնալի խոսքը**
- **ֆիզիկական կամ հոգեբանական բռնությունը (բուլինգ)**
- **խտրական վարքը՝ ազգային, սեռական, կրոնական կամ այլ հատկանիշներով:**

6.3. Սոցիալական ցանցերում ուսանողը պարտավոր է չվնասել քոլեջի հեղինակությունը և չտարածել կեղծ կամ վիրավորական տեղեկատվություն:

6.4 Արգելվում է՝

- առանց համաձայնության գաղտնի տեսագրել և ձայնագրել քոլեջի աշխատակիցներին, ուսանողներին և տարածել սոցիալական ցանցերում

7. Անվտանգություն և առողջություն

7.1. Ուսանողը պարտավոր է պահպանել անվտանգության և հակահրդեհային անվտանգության կանոնները քոլեջ չբերել պայթուցիկ և դյուրավառ իրեր:

7.2. Արտակարգ իրավիճակների դեպքում ուսանողը պետք է ենթարկվի պատասխանատու անձանց ցուցումներին:

7.3. Խրախուսվում է առողջ ապրելակերպը և հոգեկան առողջության պահպանումը.

- հետևել լսարանի, քոլեջի սանիտարական վիճակին, կատարել հերթապահություն, մասնակցել շաբաթօրյակներին
- ակտիվորեն մասնակցել ներքոլեջային, արտալսարանային միջոցառումներին, աջակցել դրանց կազմակերպմանը

8. Կարգապահական պատասխանատվություն

8.1. Սույն կանոնների խախտման դեպքում կիրառվում են հետևյալ կարգապահական տույժերը՝

- բանավոր զգուշացում,
- գրավոր նկատողություն,
- գրավոր խիստ նկատողություն,
- ծնողի կամ օրինական ներկայացուցչին իրազեկում,
- հեռացում քոլեջից՝ օրենքով սահմանված կարգով:

8.2. Կարգապահական տույժերը կիրառվում են խախտման ծանրությանը համապատասխան:

